

Grkokat. paroh. Čitaonica  
Novi Sad, Bojovića 2.

У С К Н

# НОВИНИ

ЗА РУСНОХ У ЈУГОСЛАВИЈИ

„Руски Новини“ виходва кажли ви-  
двєнь: — Предплата на рок 55 Дин.  
Адреса: „Руски Новини“ Р. Керестур.  
Число Чековног рахунку 59-356.Видава: Руске Нар. Просв. Дружтво  
За редакцију одповеда: Мих. ФИРАК.

## Мир гледаме, а на войну ше рихтаме.

Одкеди лем постої чловечество на жеми, кажди ше старал да ма цо шоровши и мирнейши живот. Так кажди чловек окреме, так и цали народи и держави.

Але зос историї знаме, же тот вично жадани мир ише нїхто не посигнул. Прешлосц каждого народу випольнета зос велїма и кирвавима войнами. Ђдни нападали, други ше бранели. Моцнейши вше сцел да своїо панство надрилі слабшому. Слабши у тих часох ше поносуе на неправди швета, поволуе на помоц Бога и осудзуе силу. Моцнейши ше вше поволуе на даяки своїо права и винаходзи способи и вигварки да пред шветом остане красни.

Преходза часи и трафя ше, (по гевтим — каждая сила до часу) же тот цо бул до вщера моцнейши, нараз му ше найдзе о бок еден, хтори ише моцнейши и хтори му ше загрожи. Нараз тот цо бул до вщера моцнейши и нападовал слабших по якимшик своїм праву, осети ше слаби и пред свою препасцу. Тераз и вон осудзуе силу, поволуе ше на правду швета. А трафи ше, же и гевтот, цо бул до вщера слаби осети коло себе ише слабшого. Такой и вон по якимшик праву, або под даяким инашаким оправданьом, завоюе на своїого слабшого и наруцуе му ярмо рабства.

Цо то значи? Чи то не спердня з правди и вични триумф сили и неправди? Чом моцнейши не да мира слабшому? Прецо векши риби едза менши? Чом ше швет коле и забива? Прецо каждому крєв пахне? Чи наисце менши и слабши нема право на живот? Чи слаби лем прето жив на шведе, да го моцни едза и хасную? З яким правом моцнейши кладу своїо право на слабших? Яки тому причини и хто тому виновати? Яки закон на тим шведе пануе? Чи закон правди, чи закон сили?

Випатра, же закон правди е лем жадане и потїха слабих и неспособних. Медзитим моцни и силни ше на тот закон оглушую. Вон їм завадза. Ѓм баржей импонуе закон сили и право моцнейшого.

Не значи то, же гевтот слабши од нього лепши. И вон кед може чкодзи слабшому.

Трафя ше, же док ше бої моцнейшого и поволуе пред нїм на правду, источасно чкодзи и прициска слабшого по закону сили и праву моцнейшого.

Як то безкарактерно. Видно, же ту цошка празне у чловечей души и у його совисци. Нет у нас усадзене цошка, цо би одредзовало прави став чловека гу чловекови, през погляду на його моц материялну и духовну. Шицкогo маме и здравя и богатства и знания. Лем не маме едно — не маме воспитаня.

Нїгда ше тельо не бешедовало о миру кельо нешка. Нїгда ше мир тельо не жадало и од войни ше бало, кельо нешка. Але, источасно, нїгда ше на войну тельо не рихтало и явно и тайно, кельо баш нешка.

Одкаль тоти и таки процивносци? Гварел хтошка: кед сцеш мац мир, рихтай ше на войну. А я повем: кед сцеме мац мир, мушиме ше за мир воспитовац. Гей, хиви нам праве воспитане. Во воспитани чловек не жада, а ише меней роби зло и пакосци своїому ближньому — чловекови. А не воспитани чловек, гоч яки учени, кед осети у себе даяку физичну або гоч яку моц, дораз по закону джунгли напада слабших и опасни е за дружтво. И цо е ученши и спремнейши то е чкодлївши и страшнейши. Бо знане то вельке оружїе, хторе е хасновите лем кед е у власносци воспитаного и морално високого чловека.

Таки генерації треба да виховуеме. Вец ше не мушиме бац, же мир будзе порушани. (от)

## По Гитлеровой бешеди.

По велькей Гитлеровой политичней бешеди, котру вон отримал пред немецким парламентом 28. априла постало у шведе дакус яснейше и мирнейше. Яснейше зато, бо Гитлер гоч вишмейовал Рузвелта и познати його предложєня и гоч нападнул на Англию, але ипак виявел дзєку да ше далее догваря о миру, лем не на общей конференциї, але з каждую державу окреме, бо обща конференциї гварел Гитлер цалком право, не принесли до тераз нїякого хасну, а було их без числа.

Ђдна держава, котра ше по Гитлеровой бешеди нашла у велькей бриги и страху то

Польска. Бо Гитлер ясно виповед, же Польска муши пристац да Данциг придзе под Немецку и да Немци през Польски коридор, (цо вяже Польску вос морїом), направя желєвнїцу и автомобилску драгу (автостраду). Поляци о тим анї чуц не сцу, а цали швет зна, же на концу муша лем попуциц, гоч велї веря, же ше Поляци ипак попрубую бранїц.

5. мая да польски министр Бек одвит на Гитлерово жаданя. И тота Бекова бешед то найважнейша ствар, на котру цали швет з найвекшим интересом чека.

## Немецки вождове у Италиї.

До Италиї птишол досц несподзивано немецки маршал и перши Гитлеров помочник Геринг. Бул вон и у талиянскей Африки (Либїи) и вельо ше догварял зос талиянским генералним штабом. Тото интересоване Немецкей за войскову силу и за плани Италиї

ма вельке значене у терашней мутней Европи.—Такой за Герингом нацивел Италию шеф немецкого генералного штабу генерал Брауншич. Шицко то стої под знаком будущей войни. Вельке держави ше на ню готую и опатрую своїо силу.

## Югославия и Мадярска

З нагоди путованя нашего министра Цинцар-Марковича до Венециї на догварку зос талиянским министром Чяном и до Берлину, дзе ваш наш министр мал важни бешеди во Гитлером и його министром Рибентропом; пишу новини, же главна ствар була у тих бешедох, да ше утвердзи приятельство зос Италию

и да ше зос Мадярску направя приятельски споразум и пакт (догварка) о ненападаню. Пишу београдски новини, же шицко тото окончено у найлепшей злагоди и же наша Югославия може мирно патриц на свою будучносц, поготово кед уж завершени догваряня зос Горватами.

## Бешед канцелара Гитлера.

Цали швет тераз заняти зос вельку бешеду, канцелара Гитлера яку виглашел як одповедз на писмо американского президента Рузвелта. Як познато, америкаски президент послал недавно телеграм канцеларови Гитлерови и премиерови Мусолининови, у хторим их вола же би загарантовали мир у Европи голем на 10 роки.

Гитлер у своей бешеди виглашеней дня 28. априла заявел, же ше вон не рихта нїкого нападац, вон лем гледа животни простор за 85 миллионнови немецки народ. А же ше Немецка не миша до американских справох, зато и п. Рузвелт нема права ше мишац до немецких справох. Гитлер далее заявел же зос Французку ушорел уж своїо гранїци и же ше ей анї не бої. Зос Англию претаргуе шицки догварки, бо Чемберлен мал повесц же вецей не вери Гитлерови. Исто так зрива догварку зос Польску, по котрей Немецка и Польска мали една другу не нападац, и пита од ней место Данциг, калдерму и гайзибанску драгу през ей територию до восточней Прускей.

Цо ше тиче Ческей, Гитлер гварел же вон не мог церпиц у немецким целу »магазин мунїциї«, хтора мала вибухнуц на чкодуду немецкого народа; не мог сцерпиц летовиско бомбардерох, як ше мал вияшнїц еден французки министр, хторе мало знїщиц немецку индустрию.

Згадав вон и Карпатску Україну и наглашел же вона препадала пре вельке жадане польско-мадярскей гранїци, з боку Польскей и Мадярскей.

Бешед канцелара Гитлера барз зацикавела цали швет. Вон ше роздзелел на два табори: едни за то да ше вимирия з Немецку, а други да му ше вецей нїч не да, медзи котрима на першим месце стої Польска.

## Польска пита Данциг, восточну Пруску и Шлезку.

Немецка у остатнїх роках гвари, же немецки народ потребуе животни простор, на рачун инших народов.

Так Немецка вжала под протекторат Ческу и Моравску. У остатнїм часу канцелар Гитлер пита од Польскей шлєбодни варош Данциг и шлєбодну драгу през польски коридор до Прусїи.

Тераз Польска дипломация одповедла на домаганя Немцох таким истим способом.

Польска гвари, же и польски народ потребуе »животног простору« а його животним простором то коридор, Пруска и Шлезка.

Немецка штампа прето барз напада Польску и пише, же тот, хто жада у Польскей протекторат над тима краями, е шалени.

Цали швет тераз очекуе бешеду польского министра вонкашнїх справох, полковника Бека, хтори вияви Немецкей домаганя Польскей.

Загранична штампа пише, же положене медзи Немецку и Польску е барз заоштрєне.

Поляци ше барз строя, же ше Немцом не даю, годни ше вони як и Чехи предумац. Бо Немци ше грожа, же кед ше Поляци не покора, вец вони буду питац ише вецей и завежню ше и за Українцох, цо су под польску владу.





